



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CLXIII. Quod nulli ex Fratribus reformatis Sancti Francisci Provinciæ
Romanæ competit jus præcedendi, sive honoratoris loci, nisi Superioribus
actualibus, & Exgeneralibus.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

dictorum Nobis fuit humiliter supplicatum, quatenus concessionem hujusmodi pro perpetua, & inviolabili observatione approbare, & confirmare, aliasque in præmissis oportune providere de benignitate Apostolica dignemur.

§. 5. Nos igitur, qui divinum cultum, & fidelium devotionem ubique augeri sinceris desideramus affectibus, Franciscum, & Correctorem prædictos, & eorum quemlibet, necnon domus, & Conventus hujusmodi singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, necnon Instrumenti, scripturarumque hujusmodi totos tenores præmissis tamen minimè contrarios, ac Ecclesiæ Conventus, & terræ petitorum hujusmodi situationes, confines, vocabula, denominationes, qualitates, & quantitates præsentibus pro expressis habentes, hujusmodi supplicationibus inclinati, discretioni tue per Apostolicam scripta mandamus, quatenus concessionem prædictam, ac prout eam concernunt desuper confectas scripturas ac Instrumentum prædicta cum omnibus, & singulis inde legitime sequutis, & sequendis perpetuò sine alicujus præjudicio dicta auctoritate approbes, & confirmes, ac eis perpetuè, & inviolabilis Apostolicæ firmitatis robur adjicias, eamque validam, & efficacem perpetuo fore, & esse, ac ab omnibus uti legem factam observari, & adimpleri debere, sicque & non alias per quoscumque Judices ordinarios, & delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales etiam de latere Legatos, Vicelegatos, & Sedis Apostolicæ nuncios, & quosvis alios judicari, & definiri debere, ac quidquid fecus super his à quoquam quavis auctoritate scienter, vel ignoranter contigerit attentari, dicta auctoritate decernas; Non obstantibus constitutionibus, & ordinationibus Apostolicis, ac quatenus opus sit primodicti Ordinis juramento, confirmatione Apostolica, vel quavis firmitate alia roboratis, statutis, & consuetudinibus, cæterisque contrariis quibuscumque.

Datum Romæ apud S. Mariam Majorem, Anno Incarnationis Dominicæ 1665; Non. Decembris, Pontificatus nostri Anno undecimo.

Confirmatio Transactionis.

Dar. P. A. II. die 7. Dec.

CLXIII.

Quod nulli ex Fratribus reformatis Sancti Francisci Provinciæ Romanæ competat jus præcedendi, sive honoratoris loci, nisi Superioribus actualibus, & Exgeneralibus.

ALEXANDER PAPA VII.

Ad perpetuam rei memoriam.

Edita An. D. 1665.

Exordium.

Pastoralis officii, quod superni dispositione consilii gerimus, cura animum nostrum sollicitat, ut religiosorum virorum, qui abnegantes semetipsos Altissimis obsequiis in spiritu humilitatis sese devoverunt, quieti salubriter consulerent, ipsosque in laudabili eorum proposito quantum Nobis ex alto conceditur confovere studeamus.

Motiva hujus consilii.

§. 1. Cum itaque sicut dilecti filii Minister Provincialis, & Diffinitorium, ac Exprovinciales, & Fratres graduati Provinciæ Romanæ Fratrum Ordinis Minimorum Sancti Francisci de Observantia Reformatorum nuncupatorum, Nobis nuper exponi fecerunt, licet reformatio in Provinciâ prædictâ magno cum humilitatis, & Religiosæ quietis, vitæque simplicis studio inducta multorum annorum spatio utiliter, & laudabiliter, ac cum bono erga sæculares exemplo vigeret:

nihilominus experientia compertum sit post introductum in eandem Provinciâ certum præcedendi modum illam à pristinæ humilitatis statu non parum recessisse, dicti verò exponentes, ut antiqua observantia in sua puritate semper floreat, omnisque ambitionis, & relaxationis occasio maturè præcudatur, quasdam fel. rec. Urbani PP. VIII. prædecessoris nostri litteras die 22. Decembris 1642. in forma Brevis expeditas, incipien. Alias pro Congregatione generali &c. in quibus circa præcedentiam inter Fratres Strictioris Observantiæ familiæ Cismontanæ dicti Ordinis nonnulla inter alia disponuntur, quoad prædictam Provinciâ Romanam ad terminos aliarum ejusdem Urbani prædecessoris litterarum die 21. Augusti 1634. in simili forma Brevis emanatarum, quarum initium est; inter gravissimas &c. à Nobis reduci, & circa subrogationes, quæ deficientibus in eadem Provinciâ Ministro Provinciali, ac Patribus Ordinis, & Diffinitoribus interdum fieri debent, opportunè provideri, ita scilicet, ut digniores juxta dispositionem constitutionum generalium subrogentur, circa incorporationes autem, ut aliarum Provincialium Fratres, qui memoratæ Provinciæ Romanæ obtento desuper beneplacito Diffinitorii incorporati fuerint, à die incorporationis hujusmodi tantum præcedere debeant, quemadmodum Statuta Reformationis disponunt, statui, & ordinari summopere desiderent.

§. 2. Nos piis eorumdem exponentium votis in præmissis favorabiliter annuere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequendum harum serie absolventes, & absolutos fore censentes.

§. 3. Supplicationibus eorum nomine Nobis super hoc humiliter porrectis inclinati de Venerabilium Fratrum nostrorum S.R.E. Cardinalium ac dilectorum filiorum Romanæ Curie Prælatorum super negotiis Visitationis Apostolicæ Ecclesiarum, & locorum Piorum Urbis nostræ à Nobis institutæ deputatorum, qui præmissa mandato nostro accuratè perpenderit, consilio, primodictas Urbani prædecessoris litteras die 22. Decembris 1642. ad supplicationem tunc existentis Commissarii Generalis emanatas quoad caput præcedentiæ inter Fratres strictioris Observantiæ Sancti Francisci Cismontanæ familiæ hujusmodi, respectu Fratrum dictæ Provinciæ Romanæ ad terminos aliarum secundodictarum ejusdem Urbani prædecessoris litterarum motu proprio die 23. Augusti 1634. editarum auctoritate Apostolica tenore præsentium reducimus, itaut in posterum etiam vigore ejusvis indulti, ex quavis causa, vel occasione à Sede Apostolica, vel alias quomodolibet impetrari, in eadem Provincia Romana nulli Fratrum jus præcedendi, sive honoratoris loci competat nisi Ministro, Commissario, Vicario, & Procuratori Generalibus, Ministro, Commissario, & Vicario Provincialibus, Custodi, Commissario, Visitatori, Guardianis, Præsidenti, seu Commissariis, & Vicariis localibus, qui tamen expletis eorum Officiis ad locum, & præcedentiam Ordinis redibunt, tam si qui jam habitum per Fratres gestari solitum susceperunt, ac de cætero suscipient, quam si qui se à Fratribus de Observantia ad Fratres Reformatos dictæ Provinciæ canonicè transfulerunt, & transferent, exceptis tamen iis qui Ministri Generalis, seu Commissarii Generalis Cismontanæ Familiæ officio functi sunt, vel fungentur, qui post Superiores actuales immediatè locum habeant.

Quò verò ad prænaratas subrogationes digniorum, & incorporationes Religiosorum alienæ

Abolvit a censuris.

Confirmat prout in rub.

Provinciae, Constitutiones Ordinis, & statuta Reformationis hujusmodi servari auctoritate, & tenore praedictis mandamus, ac statuimus, & ordinamus.

Decretum
irritans.

§. 4. Decernentes privilegia, & indulta super paternitate, & praecedentia, si qua per Fratres antedictae Provinciae Romanae à Sede Apostolica deinceps impetrari contigerit, subreptitia conferri, nisi in literis desuper expedien. de verbo ad verbum insertus fuerit totus tenor praesentium literarum, Ipsas verò praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quocumque spectabit, in omnibus, & per omnia inviolabiliter, & inconcussè observari; Sicque in praemissis per quoscumque Judices ordinarios, & delegatos, etiam Caesarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Contrariis
deregat.

§. 5. Non obstant. primodictis Urbani praecedentiorum literis, quas quoad caput praecedentiae respectu Fratrum memoratae Provinciae Romanae volumus non obstat perinde, ac si non emanassent, aliisque Constitutionibus, & Ordinationibus Apostolicis, necnon quatenus opus sit Ordinis & Provinciae hujusmodi, ac aliis quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis, in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plenè, & sufficienter expressis, & insertis habentes illas in suo robore permanisuris, ad praemissorum effectum hac vice dumtaxat specialiter, & expressè derogamus, ceterisque contrariis quibuscumque.

Dat. P. An. 11.
die 23. Dec.

Datum Romae apud Sanctam Mariam Majorem sub Annulo Piscatoris, die 23. Decembris 1665. Pontificatus Nostri Anno undecimo.

Ad evitandas controversias, quae oriri possent ex intelligentia Constitutionis Sanctissimi Domini Nostri nuper editae super praecedentia, sive honoratori loco Superiorum in Provincia Romana Ordinis Fratrum Minorum strictioris Observantiae Sancti Francisci, & ad pacem, charitatemque inter Fratres conservandam, Sacra Congregatio Visitationis Apostolicae Sanctitate Sua approbante, censuit super hujusmodi praecedentia in memorata Provincia deinceps servandum esse, prout servari mandavit, ordinem infra scriptum, videlicet.

Minister, & Vicarius Ordinis, Commissarius Generalis, Minister Provincialis, quem tamen Commissarius Visitator, durante ejus Commissione praecedet. Qui fuerunt Ministri, vel Vicarii Ordinis, aut Commissarii generales, unum tantum Superiorem actualem supra se habebunt. Guardianus Conventus, Procurator Generalis Curiae, Diffinitores Generales, Custos, Diffinitores Provinciales, quos Sanctitas Sua declaravit in memorata Constitutione comprehendi, Vicarius Conventus, qui tamen in Refectorio sedebit immediatè post Guardianum, sed eo absente, praecedet omnes supradictos: Sacerdotes, & postea Clerici, & tandem Laici juxta antiquitatem habitus. Datum die 3. Martii 1666.

Prosper Fagnanus Sacrae Visitationis Apostolicae
Secr.

Loco † sigilli.

Decernit, quod deinceps Capitulum Generale Congregationis Eremitarum Camaldulen. de biennio in biennium, & Dieta anno post celebrationem Capituli hujusmodi respectivè celebrari debeant.

CLXIV.

ALEXANDER PAPA VII.

Edita An. D.
1666.

Ad perpetuam rei memoriam.

Alia emanarunt à Nobis ad supplicationem tunc existentium Diffinitorum Dietae Generalis Congregationis Eremitarum Camaldulensium literae in simili forma Brevis, tenoris, qui sequitur, videlicet, Alexander Papa VII. Ad perpetuam rei memoriam.

Recenset a-
lias literas.

§. 1. Debitum Pastoralis officii, quod auctore Deo gerimus postulat; ut felici, profectoque Congregationum Virorum Altissimi obsequiis sub suavi archioris Religionis jugo mancipatorum regimini, & gubernio quantum cum Domino possumus, providere juxtae fatagamus. Exponi siquidem Nobis nuper fecerunt dilecti filii Diffinitores Dietae generalis Congregationis Eremitarum Camaldulen. quod multorum annorum experimento compertum est magno incommodo, & detrimento esse eisdem Congregationi, quod singulis bienniis Capitulum quidem Generale uno Anno, Dieta verò generalis ipsius Congregationis altero respectivè celebrentur; nam cum dicti Eremitae solitudini sint additi, maxime decet eos videri totum annum per diversa vagantes ex causa similibus Dietarum, & Capitulorum, in quibus plurimae fieri solent mutationes Religiosorum, & Priorum; Qui quod se in eodem gubernio diu non permanisuros vident, utilitati Eremitarum segnius dant operam, saepeque contingit, ut quod unus incepit successor dissolvat, aut non prosequatur, quia sit opus ab aliis inchoatum.

Accedit, quod tam frequens Dietarum, & Capitulorum hujusmodi celebratio totam Congregationem praedictam, & praesertim Eremitum Camaldulensem gravibus sumptibus onerat, quodque Superiores majores, tam modici temporis spatio notitiam Eremitarum, ac negotiorum, tam spiritualium, quam temporalium dictae Congregationis capere nequeunt. Quinimo cum eadem Congregatio, non solum in Italia, sed etiam in Polonia Regione valde remota (benedicente Domino) propagata reperitur, nec possunt Eremitae Poloniae singulis bienniis visitari, nec illarum Priores ad Capitulum generale venire, quod tamen fieri posset si illud de quadriennio in quadriennium haberetur, quare dicti exponentes Nobis humiliter supplicari fecerunt, ut in praemissis opportunè providere, & ut infra indulgere de benignitate Apostolica, dignaremur.

Nos igitur eisdem Exponentes specialibus favoribus, & gratis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententis, censuris, & poenis à jure, vel ab homine quavis occasione, vel causa latis, si quibus quomodolibet innodatae existant ad effectum praesentium dumtaxat consequentem. harum serie absolventes, & absolutas fore censentes, hujusmodi supplicationibus inclinati, ut de caetero Capitulum quidem Generale de quadriennio in quadriennium. Dieta verò Congregationis Camaldulen. praedictae demum biennio post celebrationem Capituli generalis hujusmodi respectivè haberi, & celebrari debeant, ita ut primum quadriennium à Dominica tertia post Pascha Resurrectionis Dominicae proxime praeteritum computetur, & tertia Dominica post Pascha ejusdem Resurrectionis Domi-

nicæ